

Fihisaran'ny fahavitrihan'ny mpifidy

Fanombohan'ny fampitandremana ny fitondran-dRajoelina

2

NY VALOSOA

Gazety miseho intelo isan-kerinandro
(Talata - Alakamisy - Sabotsy)

VAOVAO

Talata 28 Mey 2019

Laharana 915

Vidiny : 400 Ar

Jehovah, Madagasikara 5
19 may 2019, hafatra
manokana laharana 42

www.gvalosoa.com

gvalosoa@yahoo.com

facebook : gazety valosoa rakoto

Antananarivo sy ny manodidina 4

Andry Rajoelina 3

3

Mitarika ny kandida'ny TIM.K25

2009: mpanongam-pajakana
2019: mpandika lalàna



FIFIDIANANA NIHOSIN-DRÀ 2

Tovolahy mpanohana kandida depiote iray maty nisy namono



Pr Harimalala Joseph 3

Maro ny tsy fanarahana-dalàna tamin'ny fifidianana

Fifidianana Mampikony II 4
Delegem-panjakana nanondrana, nanoro vohana

Mandoto Vakinankaratra 7

Lafo indrindra eto amintsika ny vidin'ny angôvon'aratra

Daka kely
Andeha hitsoaka faharesena any an-dafy ve ry Boaikely a !

Tranga hafahafa 2

Kandidà depiote tsy tao anaty lisi-pifidianana



FILOHA MARC RAVALOMANANA

Mpandresy ny TIM.K25 fa tsy ho resy

TONGA NANEFA NY ADIDINY, AMIN'NY MAHA OLOMPIRENENA MANANA ANDRAIKITRA AZY, TAO AMIN'NY LYCEE FARAVOHITRA, NY FILOHA NASIONALIN'NY ANTOKO TIAKO I MADAGASIKARA (TIM), MARC RAVALOMANANA OMALY 27 MEY TAMIN'NY 9 ORA MARAINA. TAO ANATIN'IZANY NO NIRESAHANY TAMIN'NY MPANAO GAZETRY NY FAHITANONY FIZOTRAN'NY FIFIDIANANA SY NY MAHA ZAVA-DEHIBE NY ANDRAISAN'NY OLOMPIRENENA ANDRAIKITRA MIKASIKA IZANY. DINIDINKA:

-Mpanao Gazety (MG): tonga eto amin'ny Lycee Faravohitra ianao Andriamatoa Filoha hanefa ny adidinao amin'ny maha olompirenena anao, inona no azonao hambara mikasika izay?

-Filoha Marc Ravalomanana (FMR): zavadehibe eto amin'ny firenena ny manefa addidy, ny ahafantarana ny maha olompirenena dia ny fananana zo sy andraikitra haneho ny safidy dia ny fidianana izany. Ny vahoaka rehetra no tompon'ny fahefana, fa ny mpitondra kosa mpindrana ao anatin'ny fotoana voafetra ihany. Eto aho dia miantso ny vahoaka Malagasy hanefa ny addidy ary hahay hisafidy satria zava-dehibe ny andraikity ny solombavambahoaka hitondra ny teniny sy hanao tolodalana hanasoavana azy.

-MG: voahitsaka ny hasin'ny Antenimierampirenena raha ny fahitanony maro azy teo aloha, manao ahoana



ny fahitanao izany Andriamatoa filoha ?

-FMR: anisan'ny tena ilaina ny hamerenana ny hasin'ny Antenimierampirenena amin'ity taona ity. Mino aho fa hahatsapa izany ireo depioete vaovao, ka handray andraikitra satria safidin'ny Malagasy no nahalany azy teo, ka tsy hijery ny tombontoany manokana, fa hanao ny asany an-kitsimpo sy am-pitivana mba ho tombontoany ho an'ireo vahoaka nify azy. Iankinan'ny aim-pirenena ny solombavambahoaka, koa minno aho fa hiasa marina ho an'ny vahoaka izy ireo.

-MG: iaraha-mahita Andriamatoa filoha fa tsy mavitrika hifidy ny Malagasy tamin'ity fidianana ity, inona no mety ho antony mahatonga izany tomponko ? ary inona no hafatra tianao hambara amin'ny vahoaka Malagasy ?

-FMR: hitanareo fa tsy vitan'ny hoe mifidy dia mifidy hatreo. Niarahantsika nahita ny fidianana filohampirenena teo aloha izay tena nisy ny fanovana sy fanodinkodinana vato. Izany no nahatonga ny olona tsy hifidy matetika fa leo izy ka manontany tena hoe : mbola ilaina ve ireny fifi-

dianana ireny? Za aloha dia manainga ny vahoaka foana, fa na inona na inona mitranga dia tsy maintsy mijoro sy mitraka isika amin'ny maha olompirenena antsika hatrany. Fantatro ny eritrertry ny vahoaka tamin'izaho nanao fampielezan-kevitra ireny hoe: mbola ilaina ve ny fidianana eto Madagasikara? efa ireny fanodinkodinana vato ireny no nitranga ary mbola ireny no hiseho amin'zao fidianana izao. Izaho aloha dia mitaona ny vahoaka tsy ho ketrakta fa hifidy hatrany e! Noho izany araho maso tsara ny fidianana fa ity no fidianana manakaiky vahoaka, mila mallo isika amin'ny valim-pifidianana. Raha misy zavatra mampiahiyahy dia mila maka sary mba hananana porofo tsara miaraka amin'ny vaditany, fa sao ho tonga indray ilay fitenenana hoe "azo rai-sina fa tsy mitombina". Na izany na tsy izany, mpandresy isika fa tsy ho resy.

Helisoa

Tranga hafahafa

Kandidà depioete tsy tao anaty lisi-pifidianana



kandida solombavambahoaka any Toamasina I faritra Atsinanana, Henri

Rakotomalala na Riri-Be, kandidà tsy miankina amin'ireo antotan-taratasy notakiana name-noana ny dosie firtsahan-kofidiana, ny taratasy manamarina fa vassoratra anarana anaty lisi-pifidianana ilay kandida. Dia tsikaritra indray izany ny mbola kitaoatao ataon'ny mpikarakara ny fidianana dia ny CENI.

Isambilo

Nahagaga ny maro ity tranga ity satria iray amin'ireo antotan-taratasy notakiana name-noana ny dosie firtsahan-kofidiana, ny taratasy manamarina fa vassoratra anarana anaty lisi-pifidianana ilay kandida. Dia tsikaritra indray izany ny mbola kitaoatao ataon'ny mpikarakara ny fidianana dia ny CENI.

Sôh'son

Fifidianana

Tena azo antoka ve ny fanaraha-mason'ny avy any ivelany ?

Isaky ny fotoam-pifidianana izao eto amintsika dia tsy maintsy misy hatrany ny fahatongavan'ny mpanara-maso vahiny avy any ivelany. Matetika dia atao mipoapoaka ery ny fahatongavan'izy ireo ary mailaka mihitsy aza ny fitondrana, na ny tomponandraikitra eo anivon'ny Ceni mampahafantatra azy ireo. Henoina ny filazana azy ireo, ny isany, dia mahavarana ihany satria tsy azo inoana velively fa hahasehama-bato rehetra manerana ny birao fandatsaham-bato rehetra nialoha sy nandri-

tra ny fidianana raha eto amin'ny firenena? Mbola ho izany indray koa ve no ho hambarany ato ho ato rehetra vita ny filazany ho nanara-maso ny fidianana solombavambahoaka? Raha ny fiarhamonim-pirenena manara-maso ny fotoam-pifidianana eto amin'ny firenena dia misy maromaro izy ireo. Hatreto koa anefia tsikiritra ihany fa misy toe-rana tsy trataran'ny ekipan'izy ireo na dia hoe tsy maro aza, aleo atao an'izay. Izany hoe na ny ato anatin'ny na ny avy any ivelany dia tsy ma-

harakotra tanteraka ireo birao fandatsaham-bato rehetra, mainka izany mbola nitombo isa tamin'izao fidianana farany izao. Ny hita matetika ihany koa dia ny biraom-pifidianana eto an-drenivohitra sy ny manodidina no tena ihazakazahan'izy ireo rehetra amin'ny fotoam-pifidianana toy izao. Sarotra araka izany ny hino izay tatitra atao'ireo mpanara-maso vahiny, fa mba nanao izy ireny dia izay... sy mba ho aroriaka kely ihany koa aloha.

Sôh'son

Ny Valosoa sy fakafaka

Fihisaran'ny fahavitrihan'ny mpifidy : fanombohan'ny fampitan-dremana ny fitondran-dRajoelina

Mampieritreritra ny mpandinika maro ny fihisaran'ny fitomboan'ny taha-pahavitrihan'ny mpifidy omaly, indrindra ny tapak'andro maraina. Na ny teo anivon'ny tomponandraikitra aza, anisan'izany ny Ceni, dia samy tsy nahitan-teny firy nandrity izany, fa ny hany natao dia nanohy hatrany ny fenantanana ny mpifidy mba ho tonga hamita ny addidiny. Na eo aza ny mety ho antony toy ny lafiny toer'andro amin'izany, dia amin'ny ankabobeny misy antony ifotorany izay mifamatotra amin'ny toe-javatra efa nisy, fa tsy tongatonga ho azy akory izany. Niara-hahita sy nahalala tsara ny zava-nisy tamin'ny fidianana niseho tetra amin'ny firenena hatramin'ny taona 2010 no mankaty. Ny voka-pifidianana filoham-pirenena natao farany teo dia vao mainka namantsika sary ratsy tao andohan'ny maro. Tsy lavina, nisy ny fihetiska nataon'reo mpanisa vato ofisialy mpanapaka farany nandidy ny tian-kano tsy tian-kano tamin'ny vahoaka Malagasy. Ny vokat'izany, na ny setrin'izany aty aoriana dia ireny niara-hahita ireny ny fahavitrihan'ny vahoaka nandeha nify. Tsy tokony hidodododo ve ny vahoaka handeha handatsa-bato fa olona izay ho solombavany no hofidany? Ilay olona hitondra ny hetahetany eo anivon'ny fitondrana? Ary ny tena tokony ho izy tsy ilana fanentanana be dia be izany. Tsy izany anefa no mitranga eto amin'ny firenena amin'zao photoana izao.

Ho an'ny mpanara-baovao sasany, efa miantombo ny fampitan-dremana atao ny vahoaka ny fitondrana Rajoelina eo amin'ny fitantanampirenena. Nahakivy ny maro ny fihetiska ninia nikimpv nataony sy ireo kandida miaraka aminy tamin'ny fotoanan'ny fampielezan-kevitra iny. Zary toa nentina tany amin'ny lalanana anjakan'ny fitsipidalao gaboraka ny firenena ny fahitanana azy, ary ny mpitsara tsy mahita hambara ao anatin'izany. Tsy nisy mihiotsy fiezahana hanatsara zavatra tao anatin'ny fidianana solombavambahoaka iny. Ny lesoka taloha mbola nisy hatrany ihany. Mbola hitohy ve ny kopaka isasahana? hoy ny efa manomboka manamboatra saina. Ho ratsy anefa ny ho vokat'izany aoriana ao.

Mamekra hatrany ny firenena ho ratsy toerana sy tsy ho modely ny fisehoan'ny fampielezan-kevitra sy ny fomba fanisana ary ny voka-pifidianana tato ho ato izao. Ireny ihany koa dia karazany zekika ratsy na fotora na faka ratsy tsy haftosoa ity firenena ity. Hita ho miezaka ihany ireo olom-pirenenana saro-piaro amin'ny firenena ity sy mahatsiaro ho marary amin'ny tsy fanjarian-daraharaha misheo lany eto, kanefa ny "laka" efa bodooin'reo mihetivra hahavita samirery ny asa fampandrosoa. Hatreto anefa, tao anatin'izay 10 taona izay, tsy hita izay floriana mazava nizorana. Hitran'ny vahoaka tsara izany, ary ireny mampisy fiantraikany amin'ny raharaha toy izao.

Sôh'son

Fifidianana nihosin-drâ

Tovolahy mpanohana kandida depioete iray maty nisy namono

Azo lazaina ho nihosin-drâ ny fidianana depioete natao omaly teto amintsika, nihosin-drâ izany fidianana solombavambahoaka izany rah any tany Sakaraha, fanitra Atsimo Andrefana satria tovolahy iray mpanohana kandida depioete tany an-toerana no maty nisy namono raha iny izy hamony fodiana iny rehetra avy niatrika fanofanana sy toromarika tao amin'ny foiben'ny kandida tohanany, ny alahady tolakando lasa teo. Nanao izay ho afany, mala nenina ny mpitsabo fa tsy tana ny ainy noho ny ratra be teo amin'ny lohany. Mpianatra tao amin'ny Universiten'i Maninday any Toliera ity tovolahy namoy ny ainy ity. Efa misokatra amin'zao ny fanadihadiana sy fikarhana ireo nahavanon-doza, tamin'ity heriseta sy voanoan'olona tamin'ny fidianana ity.

Ny Valosoa

Ny Valosoa sy hadihady

Andry Rajoelina : 2009, mpanongam-pajakana; 2019, mpandika lalàna

Tsara hazavaina mba itoviana ny fomba fiery ny maha samihafa ny fanonganam-panjakana (putsch) sy ny hetsi-bahoaka (mouvement populaire), nitarika ny fialàñ'ny filohan'ny Repoblika. Ny olona mahalala, indrindra ny avara-pianaranana mihitsy, no manao izay mampisavorororo ny saim-bahoaka momba ireo toe-drahara roa samy hafa ireo. Ny tamin'ny 1972, ohatra, dia ny vahoaka no nirohotra niakatra teny Andafiaravaratra nilanja sora-baventy nitaky ny fialàñ'ny mpitonundra fanjakana. Nirodana ny Repoblika I na dia vao volana vitsy aza no lany tamin'ny salanisa 90% ny filohan'ny Repoblika. Tsy nisy andiana miaramila nanafika, tsy nisy poa-basy na tafondro, fa ny vahoaka tokoa no ni-hetsika. Nitovitovy tamin'izany koa ny tamin'ny 1991, salingy ny poa-basy sy ny grenade no napoapaikan'ny mpiambina ny filohan'ny Repoblika. Nanaporofo izany ny fampitandremana nataon'ny mpitarika ny antoko MFM fa hitifitra ny Amiral Ratsiaraka Didider. Hetsi-bahoaka ihany koa izany no nampirodana ny Repoblika II. Raha ny tamin'ny 2009 no hanaovana fandalinana dia nisy tokoa ny fihetsiketsehan'antokon'olona notarihan-dRajoelina Andry nanomboka ny 26 january 2009. Niaraha-nahalala ny zava-doza nitranga ka nahatonga ny nantsoina hoe "alatsinaisy mainly" satria rava sy may hatramin'ny fananam-bahoaka (RNM, TVM). Nitohy ny 7 Febroary izany, ka maro ny aina nafoy noho ny fanatanterahanana ny filazana fa "tsy hahomby ny tolona raha tsy misy râ latsaka". Tsy mbola nam-piongana ny Repoblika III-3 ireo hetsika ireo satria azo ninoana fa tsy nisy hetsi-bahoaka nanana ny lanjany toy ny tamin'ny 1972 sy 1991 ny tamin'ny 2009. Niantso ny andian-tafika Capsat izay tsy mbola fantatra izay nibaiko azy tamin'izany fotoana, fa ny hita teny amin'ny Episcopat aloha dia ny lehiben'ny Etamazaoron'ny tafika izay nanana ny laham-boninahitra kolonely. Ity andia-miaramila ity, izay nobaikon-dRajoelina Andry, no nanongam-panjakana satria nitifitra tafondro teny lavoloha ary nandeha nanafika teny mihitsy sady mbola nandrona ireo jeneralty efa-dahy izay noterera nanolotra ny fahefana nomen'ny Filohan-pirenena, Ravalomanana Marc azy tamin-dRajoelina Andry. Raha nanome baiko nanohitra ireto mphihoko ireto ny misitsity ny fiarovam-pirenena tamin'izany dia ho râ

nandriaka teto amin'ny Firenena. Na tiana na tsy tiana dia nanao "fanongam-panjakana", izay midika ho "famadihana tanindrazana avo lenta" (haute trahison), izany Rajoelina Andry. Melohn'ny vondrona iraisam-pirenena izany. Nandrafitra ny "Tondro Zota" ny Vondrona afrikana izay lasa lalàna fototra teto Madagasikara kanefa dia nitsakitsahan'ny fitondrana Rajoelina Andry izany. Anisan'ny nanaporofo izany ny famerenana an-tanindrazana ireo sesitany politika, ka anisan'izany Ravalomanana Marc kanefa niaraha-nahalala ny "Notam" nomena azy. Tsy nisy hery (force exécutive) napetra ny Vondrona afrikana nanery ny fitondrana tamin'ny fanatanterahanana izany lalàna izany. Araka izany dia tsy zava-baovao loatra amin-dRajoelina Andry ny fandikan-dalàna satria tamin'ny taona 2009 aza izy tonga teo amin'ny fitondrana tamin'ny alalan'ny fanonganam-panjakana, izany hoe hetsika nanohitra ny Lalàmparenore-nana (anti-constitutionnel) kanefa dia efa sahy nanao izany. Amin'izao fotoana izao dia tonga eo amin'ny fitondrana Rajoelina Andry noho ny didy tsy azo ivalozana navoakan'ny Fitsarana Avo momba ny Lalàmparenore-nana, izay nampandresy azy (na dia nisy aza hy hosoka sy ny hala-bato), ka tsy ma-hagaga loatra raha sahiny dikaina sy hitsakitsahana ny Lalàmparenore-nana izay izy no anisan'ny niketrika izany tamin'ny taona 2010. Efa namoaka ny heviny (Avis) ny HCC momba ny nanaovana fitsapankevibahoaka nanofoanana ny Antenimierandoholona dia mbola nanaoka didy hitsivilana Indray Rajoelina Andry, nandritra ny filankevity ny minisitra tany Antsiranana, fa noferana ho 18 sisà ny loloholona raha 63 no voalazan'ny Lalàmparenore-nana. Porofo ambonin'ny nataony tamin'ny fampielezan-kevitra, tsy henatra tsy tahotra, nanohanany ireo kandidâ IRD (izay mbola hiandrasan'ny olompirenena izay hevity ny HCC) indray izany fa tena tsy tan-dalàna mihitsy ny filohan'ny Repoblika amin'izao fotoana izao. Raha tsy ho sahy hampanjaka ny "fahamarinana" (araka fampiharana ny lalàna) ny Fitsarana Avo momba ny Lalàmparenore-nana dia aleo ny vahoaka no hitsara araka "ny rariny sy ny hitsiny" azy noho ny fitiavana ity Tanindrazana iombonana ity.

Andry Tsiavalona

NY TENY FIAINANA

Isaia 12:4



Ary hiteny ianao amin'izany andro izany ka hanao hoe: miderà an'i Jehovah, miantsoa ny anarany, ampahafantaro any amin'ny firenena ny asany. Ampahatsirrova efa misandratra ny anarany.

**Fanahiana hala-bato no anisan'ny nahavitsy ny mpifidy**

Arp Helisoa : fanahiana ny hisian'ny hala-bato indray no anisan'ny nahavitsy ny mpifidy tamin'ny fildianana omaly, na izany aza tokony ho nandeha nifydi ihany ny rehetra, mba tsy hanjaka tokana ny fitondrana mpanodinkodina safidim-bahoaka io.

Michaelah Fanjanirina Behivoka : zah ato tena malaina , aleo dia tsorina ny marina, na izany na tsy izany manohana ny kandidân ny TIM.K25 hatrany.

Taz-Soul R. Randrianambinina : ny tsy fandehanana mifidy dia tsy fanekana ny hala-bato sy ny mpanao azy, aleo sakana-nya izany. Isika mpandresy fa isika tsy resy!

Magali Rasanj Rasanj : safidiao hamidy amin'ny hafa dia ho rariny ve izany? tsy maintsy harovana ny safidy sady hevenika fa ho mora ny miara ny safidy amin'ity nobo ny tam'in'ny fildianana Prezidâ satra ity fildianana azo lazaina ho tena akaihy ny vahoaka.

Aina Mathieu : marina zany, tokony ho mora harovana ny safidy, isika mpandresy ka tsy hanaihy ho resy intsony, mila balance na fifandaran-jery rahaleo ao amin'ny Assemblée.

Raketa Raialingo Raketamanga : aleo mandeha mifidy ihany raha mety, fa ity anie mora arahana kely tsy mitovy ny t@ decembre e !! isika ho mpandresy fa tsy ho resy e!

Marie Bernadette Raharisoa : tongava mifidy handreset-sika, ho maro an'isa eny Tsimbazaza ny depiole TIM.K25 !!

Tahina Rakotoson : efa nanao ny ezaka faranizay vita ny olona t@ presidential nefa ny HCC SY NY CENI namadika azy ... De inona tsorina mo mbola aleha any. Na izany aza mifidy ny TIM.K25 hahazo ny maro an'isa.

Maitre Haja Rakotoarimanana : marina mihitsy izany. Izaho dia efa tsy niromana ho @ izany mihitsy nefa handeha ihany, ary miantso ny namana hifidy satria mila mahazo ny maro anisa ny TIM.K25.

PR HARIMALALA JOSEPH, FIFIDIANANA**Maro ny tsy fanarahan-dalàna, hatramin'ny filoha Rajoelina no nandika izany**

Tao aorian'ny fahavitan'ny propagandy ny fidiadiana depiote ny sabotsy teo, sy ny fidiadiana omaly, mitondra ny fahitany ny raharaha-pirenenia indray, Pr Harimalala Joseph. Maro karazany ny tsy fanarahan-dalàna nitranga nanerana an'i Madagasikara satria hatramin'ny filohan'ny Malagasy rehetra ary no lasa nanohana kandidâ azy manokana, kanefa dia jeren'ny HCC sy ny CENI fotsiny ny hadalan'ny filohan-pirenenia Malagasy. Mirona bebe kokoa amin'izay ny fanehoan-kevitra entin'i Pr Harimalala Joseph, izay natombony tamin'ny tenin'Andriamanitra ao amin'ny bokin'ny Samoela voaloahany 2:30 manao hoe: "Koa izany no ha-naovan'i Jehovah, Andriamanitra ny Israely hoe: efa voalazako tokoa fa ny taranakao sy ny tarana-drainao no han-deha eo anatreha-kondrakizay; fa ankehitriny kosa, hoy Jehovah, santria Ahy izany; fa

izay manome voninahitra Ahy no homeko voninahitra, ary izay manamavo Ahy no ho afa-baraka". Araka io tenin'Andriamanitra velona io hoy ity mpandinika ity dia tokony handini-tena ihany koa isika Malagasy manontolo, ary am-pabenren-tena, no hisarana ny sain'ny filohan-pirenenia satria dia hihafara hatrany amin'ny faharavana sy fahafaham-baraka ny tsy fanomezam-boninahitra an'Andriamanitra! Raha tsiahivina mantsy ary tsy tokony ho hadinolana dia izao: raha nanao ny fiamianany ny mpitonundra ankehitriny ny 19 january lasa teo dia nilaza fa "ho filohan'ny Malagasy" rehetra, kanefa kosa tsy hita taratra izany ankehitriny fa too filohan'ny TVG izy ankehitriny. Ankoatra izay dia nrahanahita ireny fa tsy hita taratra ny fanomezam-boninahitra an'Andriamanitra ary nofoanana ny florianana tamin'ny Baiboly masina, kanefa

anie ka Andriamanitra no mampindrana io fahefana eo am-pelantanany io. Izany hoy ity mpandinika eto ny hihoveryan fampivoana ny zavadehetsa eto Madagascarika amin'izao fotoana satria dia toa fahefan'ny haizina no miasa eto ankehitriny ary dia miharinay fandikan-dalana ataon'ny mpitonundra, hatramin'ny fanitsakitsahana ny lalam-panorenana, izay iky ireo ihany no nandrafitra sy nam-pandany izany tamin'ny 2010 ary nodokafana aza fa tsy misy lalam-panorenana tsara toa io eran-tany, tamin'izany fotoana, kanefa dia efa tadiavina habitsy sahady izany mba hanamafisana fahefana bebe kokoa. Ankoatra izay dia taiza tetra ambonin'ny tany no nisy filohan-pirenenia, ka ho foana ho azy ny fanjak-ol'on-tonka sy ny tsy refesi-mandidy tiana hapetraka eto, ka hahay

hisafidy ny tokony ho fidiana, ary hampanjaka ihany koa ny firaesankina sy fihavanana ary ny fikantativana, manoloana izao tranga miseho eto Madagasikara izao aoka têna hifliktra amin'ny lalan'ny fahamarinana hatrany satria hoy ny tenin'ny Jesosy Kristy ao amin'ny Ohabolana 14:34 manao hoe: "Ny fahamarinana manandratra ny firenena; fa ny ota kosa dia fahafaham-baraka amin'ny olona", koa aoka isika rehetra hifidy ny hampanjaka izany fahamarinana ihany, hirosoana ho amin'ny fampandrosoana, fa tsy hanaredrinirano ho amin'ny fahaverezana satria ho avy ny fitsaran'Andriamanitra araka ny ambaran'ny Apok. 22: 10-15 manao hoe: "Ary hoy izy tamiko: aza asiana tombo-kasé ny tenin'ny fiamianana amin'ity boky ity, fa antomotra ny andro. Izay manao ny tsy marina, aoka mbola hanao ary tsy marina ihany izy;

Solohery

Jehovah, Madagasikara 19 may 2019, hafatra manokana laharana 42

Fanambarako Jehovah Mpanjaka ho ren-tany ren-danitra fa antomotra ny zavatra rehetra.

I Tantara 16: 31 "Aoka ho faly ny lanitra ary ho ravo ny tany; Ary aoka ho lazaina any amin'ny firenena hoe: JEHOVAH NO MPANJAKA."

Ry mpamaky, ry mphaino, ho tohizako ny fampianaraka momba ny Fitsarana. Ho avy AHO hitsara sy hanapaka eo amin'ny firenena, hanitsy izay rehetra tsy mety. Dia izay ilay nambaran'i JÀÔNA MPANAO BATIÅ, ahoana hoy izy? Amboary ny lalan'i JEHOVAH, ataovy mahitsy ny lalan-kalehany. Izay ilay FITSARANA. Amboary ny laloko ary ataovy mahitsy, tsy izay anareo fa ny anareo diso. Tsy misy mihoginkodina, ovaovaina, amboarboarena fa izay lazaika irey ihany izay no ilai ko atao ambany masoandro. Satria IZAHO JEHOVAH no MPANJAKA. Raha MPANJAKA ary AHO dia hametraka mpanjaka avy AMIKO satria tamin'ny fotoan'andro dia samy nametraka ny mpanjakany ny firenena tany amin'ny Testamenta. Taloha tany. Ny zavatra nisy dia niady ny mpanjaka, samy niseho azy ho lehibe ny mpanjaka, samy ho manana ny zavatra rehetra. Any izany no mbola misy mandraka ankehitriny, dia mifamono, mifandringana, mifampantsy, miady. Tsy izany ny atao hoe fisian'ny mpanjaka : milaza ny Fhamarinako amin'ny olona. **Ny mpanjaka izay hapetra dia io no manambara AHY JEHOVAH hahafahan'ny vahoaka mahafantatra ny zava-miafin'ny Fanjakako.** Izany hoe ny fanjakana izay ipetrahan'ny olona dia miomana, ampiomanina fa hiverina any amin'ilay tena MPANJAKA. Hiverina no Amiko JEHOVAH MPANJAKA satria nivoaka tao AMIKO. Raha izao zava-misy ambany masoandro izao dia tsy afaka miomana mihitsy ny olona fa tsy misy zavatra fantany na dia kely akory aza. Ka Izaho JEHOVAH MPANJAKA dia manana programa toy izao izay tokony ho fantatralereo ary hatotraeo am-po ; Jereo tsara dia vakio tsara ny tantaran'i Davida, izy dia nofidiako mba hahafahanry manambara AHY dia nandimby azy ny zanany atao hoe Solomona. Dia hoy I losifera hoe raha mbola izao no manjaka amin'ny tany sy arahan'ny olona dia tsy afaka manao na inona na inona isika ka noho izany dia tsy havela hanjaka izany io, vonoy io, ary ny firenena rehetra no niray tektika hamono an'l Solomona. Nanomboka teo, vakio tsara ny Baibolinareno na mety tsy voasoratra ny sasanys fa dia samy nanjaka araka izay tiany ny olona ary samy nametraka ny fanjakany ary dia mbola izao hitanareo mandraka ankehitriny izao. Tsy maintsy faranako izany, tsy avelako hitatra sy hisy izany fa tsy maintsy ajanona hatreto, faranako hatreto, NY MPANJAKA IZAY HAPETRAKO DIA HANAMBARA AHY, tadidio izany. Fa raha mbola mpanjaka na mpitondra tsy manambara AHY sy ny FANJAKAKO dia mbola tsy izy izy izay, tsy avy Amiko izany. Ny antony ametrahalo mpanjaka na mpitondra na mpitantana dia mba hiomanan'ny olona fa hiverina aty AMIKO fa tsy tahaka izao fahitako anareo samy maka ho azy izao.

Izaho JEHOVAH MPANJAKA raha namanora ny tany sy ny lanitra, fantat'r'i Adama sy Eva ny nampianariko azy ireo, izany no antony nidinako foana, tsy nitsangatsangana tao Edena fa nampianatra azy mivady. Nampianatra, nampahafantatra, ahoana ary no ahala lan hoe ity azo ohanina, ity afavy, ity afindra dia maniry, dia tao koa moa ny Fanahiko fa izy ireo tamin'izany dia nontanty AHY foana, nahita AHY mivanta, tsy tao anaty aloka sy alzina fa tena mifanatrika mba ho vavolombe-

lona fa MISY AHO fa tsy ho zavajavatra ara-tantara na anganonganano na teny afindra fa tena nahita. Tany I losifera dia efa tsy nanaiky. Jereo, **Salamo 96: 10 Lazao any amin'ny jentilisa fa Izaho Jehovah ny MPANJAKA na JEHOVAH no MPANJAKA.** Jentilisa = ireo tsy mahalala, na dia ao anaty fiangonana aza anie dia misy jentilisa satra tsy mahalala, tsy mino. Any ivelan'ny Fiango-nana no atao hoe tsy mino fa ao anatiny ny tsy mahalala. Samy jentilisa ihany na ny tsy mahalala na ny tsy mino. **Ary izao fontolo izao voaorma ka tsy ihetsika.** Na inona na inona hatao-ny zanak'olombelona dia izao no Te-niko aminareo, efa voaoriko hatrany am-piandohana izay nataoko ka tsy mihetsika, tsy mivoa, tsy mivadika ka hadalanareo olombelona ny anaovanareo adaladala, hanamboarambo-ramaneo fa efa naoriko io dia tsy mivoa. Izay manao izany dia hahita ny Sandriko. Fa ny Sandriko dia mbola hiseo amin'izao fontolo izao. Sandriko? Manondro fotsiny ny fanondroko, izaho koa manana ny Tehim-panjakako dia mahova sy mahavita ny zavatra rehetra. Fa ny anareo amboarina daholo ny zavatra rehetra izay hianareo vao mahita hoe izao hono, izao. Ny olona ao anaty Fanjakako diaavelako haneho ny maha JEHOVAH AHY dia mahita zava-baovao azy amin'ny Fanjakako. Fa ny olona izay tsy ao anaty Fanjakana dia mamorona zavatra ivelan'ny Fanjakana. **Hitsara ny olona amin'ny Faha-marinana IZAGO JEHOVAH.** Fhamarinana no hitsarako ny tany atsy ho atsy. Tsy mety izao, ovay ity lalana ity, mahafaty io, ity no izy, fa maninona ianareo olombelona no miakatra, malà eny, fa maninona hianareo no mi-hinana an'ity, aza mihinana an'ity. Izany anie ilay FITSARANA hataoko el! Ilay zavatra tsy mety ataonareo mihitsy no ho tsaraiko dia haveriko amin'ny lao-ny. Ho avy AHO hitsara, hanapaka, hibalko, hiteny amin'ny Fhamarinana, amin'izay namoronako an'izao fontolo izao. **Aoka hilafy ny lanitra ary aoka ho ravoravo ny tany, aoka hirohondrona ny ranomasina sy izay rehetra azy amin'ny.** Tsy zakanareo ny firohondrony ranomasina rehetra faly. Navadiky ny devoly ho fahafatesana ny firohondrony ranomasina dia mono. Fa ny nanaovako ny firohondrony ranomasina dia mifaly, midera ohatranareo. Ny olona faly no midera. Ny fibetsiky ny zava-manan'aina rehetra dia maneho faderana AHY JEHOVAH, ao anaty hafaliana sy haravoana. Mifaly anie ny lanitra dia miravoravo koa ny tany azy ireo milaraka mandraka-variaka kaneha noho ny amin'ny fahartsiana sy fahaloatoana misy amin'ny tany dia tsy mety milaraka intsony ny zavatra misy amin'ny Lanitra sy ny tany, ka haveriko. Fa I losifera io dia alainy tahaka daholo izay rehetra ataoko.

Amen

Mbola hitohy.

JEHOVAH MPANJAKA MANDRAKIZAY

Telephone : 033 12 461 43

E-mail: jehovahandriamanitra@gmail.com

Facebook : Jehovah Andriamanitra page

Radio:

Antsiva, FM 97.6, Alarobia maraina 5ora 45min- 6ora

Soa Radio, FM 96.8, Alahady maraina 6ora 30min -7 ora

RMK, FM 102.4, Asabotsy 12 ora -12 ora 30min

Gazety Ny Valosoa Vaovao (www.gvalosoa.com); mivoaka Talata sy Asabotsy

SEKOLY TSY MIANKINA

Tsy ampy ny fanaraha-maso

Maniry ohatry ny anana ny fitom-boan'isan'ireo sekoly tsy miankina eto amin'ny firenena, indrin-dra eto an-drenivohitra sy ny manodidina. Samy manao izay salim-pantany izy ireny amin'ny fampianaranana sy fana-beazanaomeny ny mpianatratra ao aminy, toy ireny ganagana manasa loha ireny. Tsy lavina, misy ny toromarika ankabopeny iombonany amin'izy rehetra avy amin'ny fanjakana, fa misy kosa ireo azy manokana iavahany amin'ny hafa. Eo indrin-dra no isian'ny tsy mandeha na tsy manaraka ny tokony ho izy eo amin'ny seha-panabeazana. Misy tomponandraikirity ny sekoly na ny mpampianatratra ao aminy no mibiroka mihitsy ny zavatra ataony na ny fomba fiasany. Misy, oha-tra, sekoly eny andre-

fan'Antananarivo, eny iao tsy eny, mpampianatratra mitondra ny zanany kely mbola tezainy ao an-dakilasy, dia manda-dilady eny anelanelan'ny dabilion'ny mpianatratra eny ilay zaza, kanefa ity kilasy ampianariny mio-mana ho amin'ny fandnam-panjakana. Tranga tsy mbola fahita izany ankoatra ny any amin'ny kilasy tena mbola madinika na "crèche" angaha. Misy ny mpampianatratra tsy tokony hitana kilasy omena azy, fa tsy mifanaraka amin'ny lent-pahaizany. Misy ihany koa ny fampisehoana toetra tsy mendrika ase-hon'ny mpampianatratra na ny tomponandraikirity amin'ny ray aman-drenin'ny mpianatratra, na amin'ny mpianatratra mi-hitsy koa aza. Maro ireo tranga fahita amin'ireny sekoly tsy miankina amin'ny fanjakana ireny,

Radafy

Fanatanjahantena an-tsekoly

Tsy ho amboara no hatolotra fa fampitaovana

Fanatanjahantena ant-tsekoly, tsy ho amboara intsony no homena fa fampitaovana, endrika fampandrosoana ny fanetsehana sy fanetsehana ny tanora hanao fanatanjahantena ny toy izao. Marihana fa ny fanatanjahantena dia tsy afa-misaraka amin'ny hetsika ara-kolontsaina, ka nisy ihany koa ny fanehoana ny dihy gasy. Tamin'ity andiany amin'ny taona 2019 ity dia nisy ny zava-baovao dia ny fampiakarana ireo

mpandray anjara avy any amin'ny Distrikia izay voafantina. Miisa 200 ireo mpandray anjara, ireto avy ireo taranja hifaninanana amin'izany: Foot à 7 (Lahy sy Vavy), Hand-ball (Lahy sy Vavy), Basket-ball (Vavy), Atletisma. Tsy toy ny mahazatra hoe amboara na "coupe" no homena ny mpandresy isaky ny taranja hifaninanana fa hisy ny fampitaovana ireo mpandray anjara, mba hamporisihana sy mba hampitomboany ny traikefany amin'ny fiti-vana fanatanjahantena. Notanterahina ny herinandro teo ny fanok-fana tamin'ny fomba ofisialy ny hetsika fifan-nanana ara-panatanjahantena an-tsekoly amin'ny fari-piadi-dim-pampi-planarana Antsirabe I, tao amin'ny Lycée André Resampa (LARA). Na-nome voninahitra izao lanonam-panokafana izao ny Préfet an'Antsirabe Andriatomponera Voahangiarimino.

Solohery

Fun Event

Hitondra ny hetsika Tip Off ao Antsirabe

Ho fanomezana tombony manokana ireo tanora mpitia ny taranja basket-ball eto amin'ny tanan'an'Antsirabe, dia hanomboka tsy ho elai lay "Tornoi inter-lycéen sy Inter-Universitaire Basketball", izay antisoina hoe Tip-off andiany voalohany. Ho fampahafantarana izao hetsika izao dia nisy ny valan-dresaka ho an'ny mapanao gazety, notanterahan'ireo mpikaraka sy ny ligin'ny taranja Basket-ball Vakinankaratra ny faran'ny herinandro teo, tony amin'ny Prisme Hotel Atsinan'an'ny Gara Antsirabe. Tip-off, na koa antisoina hoe fipaninanana hifandrinan'ireo sangany indrina "Concours des élites" eo anivon'ireo sekoly sy Universite eto

Antsirabe amin'ny taranja Basket-ball. Araka izany dia ho tanterahina eto Antsirabe mandritra ny 4 herinandro, ka ny dingan'ny fipaninanana dia ho tanterahina manomboka ny 8, 9, 10, 22, 23, 29, ary 30 ny volana jona, ary ny faha 6 sy 7 ny volana Jolay kosa no hanaovana ny dingana famaranana. Ny lalao rehetra dia ho tanterahina ao amin'ny Collège Saint Joseph avokoa. Mandritra ny hetsika dia hisy ihany koa ny "Concours de tirs 3 points", ny "Concours des meilleurs spectateurs" sy ny mafaha... Ny sekoly tsirai-ray dia samy afaka mandravy anjara avokoa saingy ho hentitra ny fanaraha-maso eo amin'ireo izay mitondra ny mpilalao mpikarama an'

Lezama

ANTSIRABE

Napetraka ny Komandy vaovaon'ny Ensoa

Tontosa ny herinandro teo ny famin-dram-pahefana teo amin'ny mpitantana ny sekolin'ny Manamboni-nahitra lefitra, na ny Ensoa Antsirabe. Raha tsiaihivina dia tao aorian'ny filankevity ny Minisitra tamin'ny 03 Mey 2019 lasa teo, dia voatendry hitantana ny fibaikona eo anivon'ny Sekoly Manam-boninahitra Lefitra Antsirabe », na ny Ensoa, Colonel Ratsarahevitra Andriamisatra, ka na-

naovana ny fifamindram-pibaikona teo amin'ny mpitantana ny sekoly teo aloha, Jeneral Rabbodao Emile sy ny mpitantana vaovaon Colonel Ratsarahevitra Andriamisatra. Nanome voinahitra ny lanonana ny Talen'ny Kabinetra ny Ministeran'ny Flarovampirenenana, ny Lehiben'ny Etamazaoro ny Tafika Malagasy, ny Jeneral Rakotonirina Théophile, ny Lehiben'ny Faritra mpisolo toerana. Mari-

hina fa ny Colonel Rat-sarahevitra Andriamisatra dia nivoaka tao amin'ny andiany faha 22 teo amin'ny Sekoly Manamboni-nahitra na ny Acmil. Izao fanendrena izao no natao hoy ireo tompon' andraikitra dia mba hanomezana aim-baovao ny sekoly. Efa nisy ny fantsiana sy fanatsarana ny fiofananan'ireo mpianatra Manam-boninahitra Lefitra ankehitriny. Mila mpitantana matan-jaka sy mahavaly ny fi-

lân'ny Tafika eo amin'ny iraka izay ampanaorina azy ny sekoly miaramila ; izany no natao dia mba hananana'ny firenena antoka ho amin'ny fandriampahalemana satria rehefa ampy sy feno ny fiofanana azo dia afaka matrika ny anjara adidiny eto amin'ny Firenena ireo Tafika dia ny fametrahana firenena la-vity ny tsy fandriampahalemana, firenena milamina.

Lezama

Tagnamaro Antsirabe

Nosafidiana ny Tsena Sabotsy, ivon'ny fifamezivezen'ny mponina

Nosafidiana nanatantrehana ny hetsika "Tagnamaro" andiany faha telo ny Tsena Sabotsy ho an'ny teto amin'ny renivoitory ny Faritra Vakinankaratra, ny faran'ny herinandro teo. Ny hetsika Tagnamaro dia natao hanairana ny fandraisana andraikirity ny olom-pirenena tsirairay ary tanjona dia ho zary ho lasa fomba fanao izany. Tsena Sabotsy no voasafidy satria azo ambara ho ivon'ny fihaoan'ny olona mifamezivezy eny an-toerana, eny ihany koa no sompitry ny sa-kafo rehetra miparitaka

isan-tokantrano sy ny manodidina. Mendrika atao ohatra arak'izany ny fanadiovana ity toerana ity. Teto ary dia noporofon'ireo sampandra-haraha-panjakana rehetra eto Antsirabe ny ho modelin'ny flaraha-monina tamin'ny fana-diovana, maro izy ireo no nanohina ny antso. Tompomarika tamin'ny hetsika ny rantsa-mangaikan'ny Ministeran'ny kolontsaina sy ny sera-sera. Nitarika ny fana-diovana sy ny fandam-pajakanana ireto ny fiana-kaviamben'ny tao An-Tsena Sabotsy. Ireo rehetra tonga dia samy ni-

voahangy Harimino, ny teo anivon'ny Faritra izay notarihan'hy Lehiben'ny Faritra mpisolo toerana sy ireo mpiaira-miasa aminy. Fahadiovana ny resaka teto azo ambara ho tompon'antoka ihany koa ny avy ao amin'ny foibem-parity ny Angovo, ny rano ary ny akoran'afao, noho izy ireo mamektraka ny fidiowana sy ny fanadiovana ho vaidohan-draharaha. Tonga maro nifanampy tamin'ireto mpiasam-panjakana ireto ny fiana-kaviamben'ny tao An-Tsena Sabotsy. Ireo rehetra tonga dia samy ni-

tondra ny fitaovam-pa-nadiovana avokoa toy ny kifafa, lapele, sobika sy ny maro hafa. Nitohy tany anatin'ny Tsena ihany koa ny fanadiovana. Tafapita ny hafatra ho an'i Vakinankaratra amin'izay toetsaina tia manadio izay, amin'ny alalan'ity hetsika Tagnamaro ity. Tanjon'ny Fanjakana foibe ny hamboly toetsaina vaovaao eo amin'ny isam-batan'olona ho tia fahadiovana, ho olom-pirenena tompon' andraikitra vanona sy vonona, izay antom-pisian'ny Tagnamaro.

Solohery

Sekoly Sefafi Tombontsoa

Nanao hetsika Start-up andiany voalohany

Ny Sekoly Sefafi Tombontsoa Antsirabe dia sekoly manofana sy mam-pivondrona ny tanora avy any amin'ny Faritra. Toko telo mahamasa-na-handro ny sehatry ny fanebeazana: Fianaranava-Vavaka-Fanatanjanhantena. Ity tenin'Andriamitra ity no notsongaina hoentina hanamarihana ny hetsika izay nalaina tao amin'ny Timoty 1,4: "Aoka tsy hisy olona ha-

nao tsinontsinona ny hanoranao...". Ivon'ny jobily dia amin'ny volana jona, mandritra ny 3 andro izany. Ho fanamihana ity hetsika ara-pa-natanjahantena ity dia nisy ny fampiakarana ny salina Start-Up 1ère edition, ka ny kitra ho an'ny olona 07 na ny "foot à 7" no nanokafana ny lalao, Ipsata nifanandina tamin'ny Bôka Junior. Tanjon'zao hetsika izao ny

hanokafana "complexe sportive", asiana ihany koa dobo filomanosana, hananganana fotodrafitrasa hafa ary koa hanatsarana ny fotodrafitrasa efa misy. Manantena ny ffanomezan-tanana ny Sekoly mba hahatarany ireo tanjona ireo. Ireto kosa ireo taranja hifaninanana eo amin'ny sehatry ny fanatanjahantena Baolina kitra, Basket, beach-volley, ary ny

Tsipy kanetibe, asa tany. Ho an'ny sehatry ny kolontsaina indray dia hisy ny ffaninanana mihira sy ny Kabary. Ny herinandro teo ny lanonam-pa-nokafana tamin'ny forma-ba ofisialy ny Start-Up andiany voalohany, tao amin'ny Sefafi Tombontsoa ary notronin'ireo manampahefana tany an-toerana.

Lezama

SARIITATRA : Mbola mampieritreritra ny vato ho azon'ny kandidân'ny Filoha raha tsy mangalatra indray



Senatera Olivier Rakotovazaha

Tany Repoblikana i Madagasikara, noho izany ilaina ny Antenimierandoholona



Manoloana ny resabe ankehitriny amin'ny fanafoanana ny Antenimierandoholona dia nanantosoa ny andiany fahaefatra, amin'ny Donak'afon'ny tanora ny Friedrich Ebert Stiftung (FES), sy ny YLTP izay notanterahana teny amin'ny Le Pavé Antaninarenina ny faran'ny herinandro teo. Nosafidin'izy ireo mandraka ny lohahevitra "lalana tsy maintsify hizorana tokoa ve ny fanafoanana ny rafitry ny Antenimiera" izay nasanan'izy ireo ny Loholona'i Madagasikara Rakotovazaha Olivier sady Sekretera no Filoha nasionalin'ny MFM, Laurent Ramaroson mpandrindra nasionalin'ny Malagasy Miara-Miainga (MMM), Olivia Rajerison mpisolovava any Faranaina Ramarosaona tompon'andraikitra amin'ny sehatra fana-raha-maso ny kolikoly. Nifantoka tamin'ny fanehoanakevitra mahakasika ny ilana na tsia ny fanafoanana ny Antenimierandoholona sy ny hasin'ny Antemiera amin'ny ankabobery, izay niarahan'ireo vahiny nasa-saina sy ireo tanora marobe tonga nanatrika ity donak'afao andiany faha 4 ity ny fotoana. Nafana dia nafana tokoa ny adihevitra handritryzany satria mahakasika ny raharaha-pirenena misheo ankehitriny tokoa ny lohahevitra nodininhina. Nohamafis'in ny Loholona Olivier Rakotovazaha nandritra ny fandrain-pitenenany fa mbola maro ireo malagasy no tsy mahalala ny anjara andraikirity ny Loholona, ka lasa mitsara be fahatany ny antom-pisiany, anisan'ny ma-hatonga ny resabe ankehitriny amin'ny tokony han-foanana azy ny hoe budgetivore ity Andrimpanjakana ity kanefa dia 0,4 % amin'ny tetibolam-panjakanana no entina manodina ity Andrimpanjakana ity, anatanterehana ny andraikirity ireo eny ifotony. Nambarany koa fa faha-tramin'ny taona 1959 no nisafidy ny bicamerisme ny vahoaka malagasy izay mitaky ny fanajana ny fisaraham-pahefana sy ny tsy fitsabahana amin'ny andraikitra sahanin'ny tsirairay. Nohamafis'ny ihany koa fa tsy ilaina izany fanovana rafitry izany satria endrika fansaktsishana ny lalam-panorenana mijoro izany. Tany Repoblikana i Madagasikara ka mila io Andrimpanjakana io, mba hisian'ny tena fitsinjaraham-pahefana marina antoky ny demokrasia. Nanohitra tanteraka izany anefia Andriamitra Laurent Ramaroson raha nandray fitenena satria tsy afaka ny hanatanteraka ny vinan'asa ao amin'ny IEM ny fanjakana hoy izy raha tsy misy ny fitsinjaraham-pahefana tena izy na dia mitaky ny fanovana ny Lalamparenena sy ny Repoblika aza izany. Kasain'ny fanjakana hatao io satria ilaina ny fanafoanana ny Antenimierandoholona. Hiova tokoa ny fomba fijery amin'io fanovana rafitry io hoy ihany izy, dinihina avokoa ny isan'ny mpiasam-panjakanana isaky ny Antenimiera, hisy ny fanaovana sivana ireo olona hatolotra hatao assistant parlementaire sy ny faneomezana fiofanana ireo solombavambahoaka. Nomarihany ihany koa fa ny filankevitra nasionaly ara-toekarena sy ara-tsosialy no tokony ho vatsiana ara-bola hanatanterehana ny asa eny ifotony. Nandritra io fotoana io koa no nilazan'ny solontenan'ny Fiarahamonim-pirenena fa na dia nisy aza ny asa vitan'ireo parlementera tamin'ny fandaniana ireo lâlana maromaro izay miantraika mivantana any amin'ny vahoaka dia mbola maro ihany ireo fanamby tsy tanteraka sy ireo lesoka izay tokony ho harenina raha tsy hilaza ny fision'ny kolikoly eny amin'ny Antenimierampirenena sy ny tsy fahaizany parlementera ny tena andraikiny. Nanolotra soso-kevitra anefia izy ireo amin'ny mba hisian'ny vaomiera mpanaramaso ny fomba fanatanterehan'ireo Parlementera ny asany sy ny fanaovana izy ireo ny tamberin'andraikitra amin'ny vahoaka. Ilaina koa hoy izy ireo ny fision'ny Antenimierandolona mba hisian'ny fitsinjaraham-pahefana tena izy, izay maneho ny fision'ny demokrasia eo amin'ny firenena iray.

Isambilo

Mpiandry raharaha

PHARMACIE DE GARDE

25/05/19 hatramin'ny
01/06/19

- M PHARMACIE (Imm
MAMA Ambalavao Iso-
try) 034 02 652 55/020
22 665 22

- TOKY (Andrefan'Ambo-
hijanahary) 020 22 264
41/032 04 090 54

- HARY SOA (Besarety)
020 22 379 17 / 034 54
481 48

- PROGRES (Analakely)
020 22 207 06/020 22
307 17

- DE LA CROIX DU SUD
(Antanimena en face im-
primerie NIAG) 020 22
220 59 / 032 05 656 56

HURA (urgences) :
033 11 890 58 /
22 279 79

HOMI Soeavinandriana :
22 397 51

Hopitaly Befelatanana :
22 223 84 / 22 6 N72 21

Hopitaly
Loterana Ambohibao :
22 441 88 / 22 485 17

Clinique des Soeurs
Ankafotsy : 22 235 54

Ambulances municipales :
22 200 40

Jirama:
Telma : (22)3547 (In vert) /
Airtel : 03 35 47 / Orange :
032 32 3547

Pompiers :
Tél : 118/22 250 18/
22 225 66

Police :
Hôtel Central de Police :
17 / 22 227 35 / 22 357 09

1^{er} Arrondissement
Tsaralaina : 22 280 54
2^{me} Ambanidra : 22 309 46
3^{me} Antaninandro : 22 291 30
4^{me} Istry : 22 280 51
5^{me} Mahamasina : 22 280 48
6^{me} Ambohimaranina :
22 225 52
7^{me} Ha : 22 291 29
8^{me} Analamahitsy : 22 493 25
Brigade criminelle :
22 216 78 / 22 210 29 /
22 674 83 na 84

GIR : 22 227 35

Gazetim-baovao misheo
intelo
Isan-kerinandro
Vidiny : 300 Ar
Adresy: lot T 70 Ankandrivotombo

TALEN'NY FAMOAHANA :
Rahelisoa A.
034 79 07600

MPANAO GAZETY

Politika:
Isambilo: 033 24 783 65
Rajo: 033 80 022 53
Andry Tsialavona 032 07 744 55

Toekarena :
Aly : 033 18 382 88

Kolontsaina:
Aris: 034 17 460 53
Beharo : 032 02 557 89

Fanantahanahantena:
Lita: 033 41 557 69

Mailaka:
gvalosoa@yahoo.com
NATONTAN'NY
Imprimerie de la RN7

Fametrahana 915-05-19
Isan-ny natonta: 10 000

Tsy azo adika, na alain-tahaka,
na antsaina amparihemoso
raha tsy ahazoana alalana vita
soratanana avy amin'ny
tompony

MANDOTO VAKINANKARATRA

Anisan'ny lafo indrindra eto amintsika ny vidin'ny angôvon'aratra

Anisan'ny lafo indrindra eto Madagasikara ny vidin'ny angôvon'aratra, any amin'ny distrik'i Mandoto faritra Vakinankaratra. 1 850 Ar no vidin'ny herinaratra 1 kWh any an-toerana, raha 370 Ar/kWh ho an'ny eto Antananarivo Renivohitra. Ankoatra izany, ora efatra isan'andro no misitaka herinaratra ny mponina any an-toerana, nefà dia io 1850 Ariary io no vidin'ny herinaratra 1 kWh amin'izany. Anisan'ny lafo indrindra eto Madagasikara izany vidin-jiro izany, hoy i Vonjy Andriamanga, Ministry ny Angôvo, ny Rano ary ny Ankoraona nandritra ny fidinany tany an-toerana. Ny antony mahatonga izany dia avy amin'ny solika no amokarana angôvon'aratra ho an'ny mponina, fa tsy angôvon'aratra avy amin'ny riandrano toy ny amin'ny distrika n any faritra hafa izay moramora kokoa ny vidin'ny 1 kWh. "Tsy maintsy sintonina hidina izany vidin-jiro izany ary atao laharam-

pahamehana ny herinaratra azo avy amin'ny masoandro", hoy ny misitira, tam'in'zao toejavatra izao. Dia ny toky fitaka fa ny atao no ho hit ahoy ny fiteny eto amintsika izay. Ankoatra izany, misedra olana amin'ny tsy fahampian-drano ihanay koa ny mponina noho ny fahasimb'an'ny foto-draftra any an-toerana.

Namome toky ity ministratra ity fa tsy maintsy ha-tao izay histiran'ny Malagasy rehetra rano fisotro madio amin'ny vidiny mirary ary anisan' izany ny mponina any Mandoto. Dia ho hita eo raha ho vitan'ity fitondrana izay tsy manana vina ity izany eritreriny izany.

Aly

TONONKALO

Tiako i Madagasikara

Tiako i Madagasikara, tena tiako. Aminao no hiafarako sy hodiako. Ny hanondrotra anao no laza tsarako. Tena tiako ianao ry Madagasikaroko.

Vao ny mandroso re no vita ry mpandrava, K'aza dia mirehareha sy avo vava. Mbola hisy ny miverina, hanambara, F'izahay no tena tompon'ny amboara.


Mijoroa ry Malagasy ka sahia, Fa ny Tompo no mitantana ny dia. Ny firenena tena mialandy manantena, Azontsika fa inoy ny fandresena.

DADAN'i ZINA (06-04-19)

BEHARO

Teny tondro (Ny Valosoa Vaovao)

N° 283



BL = Bory Loha

BR = Bory Rambo

MIV = Mivadika

MIK = Mikorontana

Misy ny teny Malagasy ofisialy sy ny tenim-paritra

Ohatra : Valy = Vady

Valiny Teny Tondro (0282)

Mitsivalana

- Moramora

- Alamo

- Kisoa

- Ity

- Zarainao

- Fa (Miv) – Aro

- Vola (Miv)

Mitsangana

- Mariazy

- Lo (Miv) – Tra

- Rakitra

- Amy – Fay (Miv)

- Olona

- Rasoa (Miv)

- As – OO

Fampandrosoana eny ifotony


Hamantatra ireo tetikasa misy ny ao anivon'ny OCSIF

Sambany no tafavy teto anivon'ny Faritra ireo mpandraharaha madinika sy salantsalany, ireo vondrona koperativa ary filakbanana misehatra eo amin'ny asa fampandrosoana eto Vakinankaratra. Tompomarika amin'zao fampihaonana izao ny Ocsif « Organisme de Coordination et de Suivi Des investissements et leurs Financements ». Ny Ocsif dia rafitra miankina eo anivon'ny Fiadidiana ny Repoblika ary niforona taorian'ny CBI, na ny « Conference Internationale des Bailleurs » tamin'ny taona 2016. Ministera 05 no mivondrona ao anatin'ity rafitra ity dia ny Ministeran'ny fambolena ny fiom-piana ary ny jono, ny ministeran'ny Tontolo iainana sy ny Fampandrosoana Maharitra, ny ministeran'ny Fitaterana fizahantany ary ny famantaranay ny toet'andro, ary ny Ministeran'ny Industria ny Varotra ary ny Asa tanana. Teto dia navondrona isaky ny sokajin'asa ary ny sehatra iasany ireo mpandray anjara, ary nampifandraisina tam'in'ireo Ministera miyah azy. Nofantarina teto ireo karazana tetikasa mandeha ato anatin'ny Faritra, inona ny olana sedrainy, inona ihany koa vaovalana ? Tanjona amin'zao fiahoana voalohany izao ny hamantaranay ny zava-misy aty Vakinankaratra, ary ahafahana manoro sy manamora ny fifandrasan'ireo mpandraharaha amin'ny mpamatsy vola, eo ihany koa ny mbola hahafahana manampy sy mampiofana azy ireo amin'ny lalanjotra takian'ny mpamatsy vola tsirairay. Misy mantsy ny maha samihafa ny zava-tinakin'ireo mpamatsy vola lehibe ireo. Njanona teto Antsirabe hatramin'ny zoma ireto delegacionina ireto ary afaka nandray sy nianona mivantana tam'in'ireo mpandraharaha, na Lehiben'ny tetikasa maro isan-karazany eto Antsirabe. Nitarika ireto delegacionina ireto Ramatoa Tiana Rahaingohalison, Tompon'andraikirity ny sehatra famokarana eo anivon'ny Ocsif.

Soholery

TERY MIFANARAKA

N° 283



Mitsivalana

1. Famielezan-kevitra 2. Lovia (Miv) – Tampsika 3. Bengy – Tovona (Miv) 4. Nanangana 5. Raisina 6. Tolotra – Hekitara 7. Kendry – Fafao 8. Latsa – Kianteny (Miv) 9. Faritra (Miv) 10. Bibikely – Matoky

Mitsangana

A. Zava-maranitra B. Mpanoritra anarana – Naoty – Littera roa mifanaraka D. Vahoaka ety an-tany E. Saka – Milaza fotoana F. Andro maizina (Miv) – Tsofoka G. Misserana (Miv) H. Zava-maitso – Mpanoritra (Miv) I. Nahare – Analy rano J. Leha – Daroka K. Mifoha

Valiny Teny mifanaraka 0282

Mitsivalana

1. Rionganana 2. Kisoa (Miv) 3. Adiney – Ova 4. Vea (Miv) – Ha (Miv) 5. Fo (Miv) – Lavitra 6. Ronono 7. Acto (Miv) – Ros (Miv) 8. Ar – Nandô 9. Aino – Izay 10. Ina – Voey

Mitsangana

A. Sekoliny B. Fo – In D, Io – Noona E. Nanolatra F. Goavena G. Osy – Vovino H. Ny – Fy – Azo I. Ako – Tie – Ney J. Variy – Ody K. Alabetsa

An-tsary misongadina Ny Valosoa Vaovao

Njaka sy Helisoa

Ny Filoha Marc Ravalomanana sy Tojo Ravalomanana, nanefa ny adidiny tao amin'ny Lycée Faravohitra.



Ny kandidà Rastany, ao amin'ny Boriborintany faha-2, tonga nanefa ny adidiny.



Ny kandidà Fetra, ao amin'ny Boriborintany faha-5, tonga nanefa ny adidiny ihany koa.

